

Ngā Pōti ā-Taiohi

Youth oting

Lesson Two

Co-governance and the relationship between
Auckland Council and Māori

Whakahaere takinga-ā-rua me
te hononga ki a Ngāi Māori



CONTENTS

Rārangi Kaupapa

Lesson Two – Co-governance and the relationship between council and Māori

Akoranga Tuarua – Whakahaere takinga-ā-rua me te hononga ki a Ngāi Māori

Activity One – Te Tiriti o Waitangi

Mahi Tuatahi – Te Tiriti o Waitangi

Tātaki Kaiako 4

Whārangī Mahi Ākongā 5

Activity Two – Historical and present-day examples of decisions affecting Māori

Mahi Tuarua – He whakataunga tauira onamata, onāianeī hokie pā ana ki a Ngāi Māori

Tātaki Kaiako 6

Whārangī Mahi Ākongā 8

Activity Three – Māori representation: Māori Wards

Mahi Tuatoru – Māngai Māori: Ngā Rohenga Māori

Tātaki Kaiako 13

Whārangī Mahi Ākongā 15

Activity Four – Māori representation: Independent Māori Statutory Board

Mahi Tuawhā – Māngai Māori: Poari ā-Ture Māori Motuhake

Tātaki Kaiako 17

Whārangī Mahi Ākongā 19

Activity Five – Co-governance: Tūpuna Maunga Authority

Mahi Tuarima – Whakahaere takinga-ā-rua: Mana Tūpuna Maunga

Tātaki Kaiako 21

Whārangī Mahi Ākongā 24

LESSON TWO

Akoranga Tuatahi

Co-governance and the relationship between council and Māori

Whakahaere takinga-ā-rua me te hononga ki a ngāi Māori



He whakamaumaharatanga tēnei akoranga ki tō mātou hoa mahi a Dean Martin he tino kāmehameha ana mahi āwhina kite hōtaka nei.

ACTIVITY ONE – TE TIRITI O WAITANGI

Mahi Tuatahi – Te Tiriti o Waitangi

Curriculum	Achievement Objectives
Social Studies	<p>Level 3</p> <ul style="list-style-type: none">Understand how groups make and implement rules and laws. <p>Level 5</p> <ul style="list-style-type: none">Understand how the Treaty of Waitangi is responded to differently by people in different times and places.
The Literacy Learning Progressions	<p>Year 8</p> <ul style="list-style-type: none">Using their prior knowledge, along with information in the text, to interpret abstract ideas, complex plots, and sophisticated themes. <p>Year 10 Reading</p> <ul style="list-style-type: none">Monitor their understanding as it develops during their reading, and adjust their strategies to address any comprehension problems.

Me takiuru atu koe ki te ipurangi mō tēnei mahi.



Tukanga:

- Pānuitia te Hautaka Kura Te Tiriti o Waitangi, Level 3, Hereturikōkā 2017. Ka taea tēnei te mahi i runga o te horopaki tohutohu, i te pānui ā-hoa rānei. Ka whai mātauranga ngā ākonga mō Te Tiriti o Waitangi i tēnei pitopito korero.
- Tohutohungia ngā ākonga ki te tuhi pitopito kōrero i a rātou e pānui ana hei tohutoro mō ētahi atu mahi i tēnei akoranga.
- Mahia haeretia ngā tūāhua mahi kei runga i te Teacher Support Material e tōtika ana mā o ākonga.

[School Journal: Te Tiriti o Waitangi](#)



Ingoa:

ACTIVITY ONE: TE TIRITI O WAITANGI

Mahi Tuatahi – Te Tiriti o Waitangi

Ko Te Tiriti o Waitangi te arotahinga o tēnei akoranga. Ka whakmahia e tō kaiako te pukapuka Hautaka Kura Te Tiriti o Waitangi, ā, ka ārahitia koutou i ētahi momo mahi. Pānuitia te hautaka e rite ai mō ngā mahi e whai ake nei i tēnei akoranga.

Ka kitea e koe tō pānuitanga i konei: [Hautaka Kura: Te Tiriti o Waitangi](#)

Whakamahia te wāhi i raro iho nei hei tuhituhi i ō pitopito kōrero mai i tō pānuitanga.

ACTIVITY TWO – HISTORICAL AND PRESENT-DAY EXAMPLES OF DECISIONS AFFECTING MĀORI

Mahi Tuarua – He whakataunga tauira onamata, onāiane hokie pā ana ki a Ngāi Māori

Curriculum	Achievement Objectives
Social Studies	<p>Level 4</p> <ul style="list-style-type: none"> • Understand how the ways in which leadership of groups is acquired and exercised has consequences for communities and societies. • Understand how people pass on and sustain culture and heritage for different reasons and that this has consequences for people. • Understand that events have causes and effects. • Understand how formal and informal groups make decisions that impact on communities. • Understand how people participate individually and collectively in response to community challenges. <p>Level 5</p> <ul style="list-style-type: none"> • Understand how the Treaty of Waitangi is responded to differently by people in different times and places. • Understand how the ideas and actions of people in the past have had a significant impact on people's lives. • Understand how people define and seek human rights.
The Literacy Learning Progressions	<p>Year 8</p> <ul style="list-style-type: none"> • Gathering, evaluating, and synthesizing information across a small range of texts. <p>Year 10</p> <ul style="list-style-type: none"> • Using strategies such as skimming, scanning, note-taking, annotating, mapping, coding information, and rephrasing to locate, evaluate, analyse, and summarise information and ideas within texts and across a range of texts.

Me takiuru atu koe ki te ipurangi mō tēnei mahi.



Tukanga:

- Whakahautia ngā ākonga ki te titiro i te hoahoa e whakaatu ana me pēhea te ārahi a ngā mātāpono o Te Tiriti o Waitangi i te Kaunihera o Tāmaki Makaurau me ana hononga moroki ki a Ngāi Māori.
- Ā muri iho i tērā, pānuitia ngā kōtitanga tauwhāiti onamata o Tāmaki Makaurau i whakaaweawetia ai ngā whakataunga (i te taumata kāwanatanga ā-rohe, kāwanatanga ā-motu rānei) e pā ana ki a Ngāi Māori. Ka taea tēnei te whakaoti hei mahi pānui ā-hoa, hei mahi akoako rānei. Heoi anō, ka taea e ngā ākonga te pānui ā-tūtahi ia kōtitanga.
- Ahakoa nō mua rānō ēnei pāpono, kei konā tonu ngā kaupapa e whakaaweawe ana i te Ao Māori i ēnei rā. Pāwhiritia ngā hono i raro iho nei kia taea ai te pānui.

1. Ngā Rangitoto i Manukau e whakahoutia mā te whakamahi hamuti!

2. Te Mahere Wā Roa o Tāmaki Makaurau

Koinei te tuhinga rautaki ā-tekau tau mō Tāmaki Makaurau e whakaahua mai ana i ngā whakaaro o te kaunihera mō te anamata o Ngāi Māori i raro i te wehenga: Te Tuakiri me te Oranga Tonutanga o te Māori.

- Tau 7 – 10: Ina mutu te pānui a ngā ākonga i ngā taura onamata/onāiane hoki, whakamutua te Hoahoa Venn e whai ake nei. He aha ngā rerekētanga o ia taura? He aha ngā ōritenga o ēnei taura?
- Hei whakaaro atu anō, inā mutu i ngā ākonga te pānui i ngā kaupapa onamata/onāiane e pā ana ki te iwi Māori, ka taea pea e rātou te whakaoti i te tūtohi “Kōtuitui”.



Ingoa:

ACTIVITY TWO – HISTORICAL AND PRESENT-DAY EXAMPLES OF DECISIONS AFFECTING MĀORI

Mahi Tuarua – He whakataunga taurira onamata, onāiane hokie pā ana ki a Ngāi Māori

Āta tirohia te hoahoa e whai ake nei ka āta whakaaro me pēhea te ārahi i ngā mātāpono o Te Tiriti o Waitangi i ngā hononga moroki i waenga i te Kaunihera o Tāmaki Makaurau me te iwi Māori.

LESSON TWO

ACTIVITY TWO



Ā muri i tērā, pānuitia ngā kōtitanga tauwhāiti onamata o Tāmaki Makaurau i whakaaweawe ai i ngā whakataunga (i te taumata kāwanatanga ā-rohe, i te taumata kāwanatanga ā-motu rānei) e pā ana ki te a iwi Māori. Me whakatutuki ā-rōpū, ā-hoa, ā-takitahi rānei te pānuitanga nei.

Nama Tahi:



Ōkahu Matamomoe, 1910. E waihangatia ana tētahi kōrere parakaingaki i Ōkahu pātata atu ki Tāmaki Makaurau i te tau 1910, i mua tonu i te pā tūpuna o Ngāti Whātua (kei te taha mauī ngā whare). Nō te tau 1914 ka tīmata te mahi o ngā kōrere nei. Ka rukea ngā parakaingaki o Tāmaki Makaurau ki te moana ka tāhawahawatia ngā mahinga kaimoana a te iwi. Kāore rawa ngā mahi tūmatanui o mua i aro atu ki ngā hiahia o te iwi Māori. I tohe a Ngāti Whātua ki ngā kōrere parakaingaki nei mai i te wā i tūtohu tuatahitia ai te whakaaro i te tau 1905 engari kāore rātou i arotia atu – kāore hoki tō rātou pā i whakaaetia kia hono atu ki te pūnaha waimāori o te tāone.

Nama Rua:

Ōkahu Matamomoe 1951: E whakaatu ana te pikitia i te taha katau i ngā kāinga i te Whenua Rāhui o Ōrākei. Kua wera te whare whaimuri i te turakitanga i runga i ngā whakahau a Te Kaikōmihana o ngā Whenua Karauna. Mai i te tau 1940 ka puta te kōrero a te koromatua o Tāmaki Makarua a Tā Ernest Davies mō te pā, "Auē! He harehare ki te tirohanga kanohi". Ka raupatutia e te Karauna te toenga whenua 5ha (12.5 heketea) i te poraka o Ōrākei tae atu ki te marae me ētahi o ngā kāinga. Hāunga te whare karakia me te urupā i turakina katoatia ngā



whare. Ka hūnukutia te nuinga o ngā Māori ki ngā whare kaporeihana i te tiriti o Kitemoana, e mōhiotia ana ko "Boot Hill". I wera te pā i te tau 1952 i mua i te haerenga mai o te Kuini i te tau 1953. I muri tonu he maha ngā pākeke i mate tae atu hoki ki ngā tamāhine tokotoru a Apihai Te Kawau – kārangirangi noa i te pakanga kia pupuru tonu ki ō rātou whenua mō te maha noa atu o ngā tekau tau.

Nama Toru:



Ahakoia kua roa kē ngā Māori e tohe ā- whānau, e tohe ā- hapū ana kia whakamanahia ō rātou mōtika, nō te tau 1975 ka pupū ake ētahi āhuatanga i whakaaweawe ai kei hea tātou i tēnei rā. Nā te Hīkoi, i hautūtia e Whina Cooper, 80 ōna tau, i whakakotahi te iwi Māori. I te rā 14 o Mahuru i te tau 1975, 50 ngā Māori i wehe mai i Te Hāpua i te Tai Tokerau, i te rā 13 o Whiringa-ā-Nuku, e hia mano kē i tae atu ki Pōneke me ngā mokotā 60,000. Ka whakapūmautia te Rōpū Whakamana i te Tiriti o Waitangi ki te whakarongo ki ngā kerēme a Ngāi Māori e pā ana ki ngā takatakahi a ngā kāwanatanga o Aotearoa

i Te Tiriti o Waitangi i roto i ngā tau. Nā ēnei āhuatanga whakahirahira i whakaaweawe a Tāmaki Makaurau. Nā Joe Hawke, nāna nei i ārahi te Hīkoi i runga i te Piriti o Tāmaki Makaurau, i ārahi te ahi tahutahu o Takaparawhā i te tau 1977. Ka whakatika te kāwanatanga ki te pana i te ahikā i te tau 1978. Nā te Hīkoi me te whakapūmautanga o te Rōpū Whakamana i te Tiriti o Waitangi me ētahi atu kaupapa i tīmata te huringa o te tai. Kua hiahia a Ngāi Māori kia riro mā rātou anō rātou e whakahaere ā haere ake nei. Ahakoia ngā āhuatanga i puta, ahakoia i whakahokia mai a Takaparawhā ki a Ngāti Whātua, i te mutunga ka takohatia atu e Ngāti Whātua ngā whenua nei ki ngā tāngata katoa o Tāmaki Makaurau.

Ahakoia nō mua kē ngā āhuatanga kātahi tonu nei ka pānuitia e koe, kei te tārewa tonu ētahi kaupapa e pā ana ki ngā Māori i ēnei rā.

Pāwhiritia ngā hono i raro iho nei kia taea ai te pānui.

1. [Ngā rangitoto i Manukau e whakahoutia mā te whakamahi hamuti!](#)
2. [Te Mahere Wā Roa o Tāmaki Makaurau](#)


Koinei te tuhinga rautaki ā-tekau tau mō Tāmaki Makaurau e whakaahua mai ana i ngā whakaaro o te kaunihera mō te anamata o Ngāi Māori i raro i te wehenga: Te Tuakiri me te Oranga Tonutanga o te Māori.

Ka mutu tō pānui i ngā tauira onamta/onāiane, whakamutua te Hoahoa Venn e whai ake nei.

Hoahoa Venn

He aha ngā rerekētanga i waenga i ia tauira? He aha ngā ōritenga o ēnei tauira?

Tērā pea ka hiahia tō kaiako kia whakamutua e koe te mahere “Kōtuitui” i muri iho i tō pānui i ngā kaupapa onamata/onāiane e pā ana ki te Māori. I a koe e “kōtuitui” ana me whaiwhakaaro koe ki ngā mea kua pānuitia e koe, me te whakaaro mehemea kua rerekē ō whakaaro i muri iho i te whārikitangatia o ngā kōrero katoa.



Ngā Rerekētanga o
Ngā Kaupapa o Mua

Ngā Ōritetanga

Ngā Rerekētanga o
Ngā Kaupapa o ēnei Rā



Kōtuitui

Ko te kōtuitui e pā ana ki te hurihanga o ōu whakaaro i a koe e pānui ana

Tuhia ō whakaaro ki raro iho nei:

I te tuatahi e whakaaro ana ahau...

I muri i taku kōrero ki tētahi hoa ka whakaaro ahau...

Ināianei kua whakaaro au...



ACTIVITY THREE – MĀORI REPRESENTATION: MĀORI WARDS

Mahi Tuatoru – Māngai Māori: Ngā Rohenga Māori

TEACHER
LESSON TWO

ACTIVITY THREE

Curriculum	Suggested Achievement Objectives
Social Studies	<p>Level 4</p> <ul style="list-style-type: none">• Understand how the ways in which leadership of groups is acquired and exercised has consequences for communities and societies.• Understand how formal and informal groups make decisions that impact on communities. <p>Level 5</p> <ul style="list-style-type: none">• Understand how the Treaty of Waitangi is responded to differently by people in different times and places.
The Literacy Learning Progressions	<p>Reading</p> <p>Year 8</p> <ul style="list-style-type: none">• Gathering, evaluating, and synthesizing information across a small range of texts. <p>Year 10</p> <ul style="list-style-type: none">• Use strategies to analyse ideas and information and to reflect critically on the meaning they are gaining from their reading.

Tukanga:

- Tuhia ki runga i te papatuhi te whakamāramatanga o te takiwā Māori. kei te whakaāhei ngā takiwā Māori i ngā kaipōti ā-rohe i runga i te rārangi pōti Māori ki te tuku pōti kia tū tētahi māngai Māori mō ngā kaunihera.
- Pānui kahatia ngā kōrero i te tūtohi i raro iho nei, ka tono atu i ō ākonga ki te whakakī i ngā āputa i runga i ā rātou whārangi mahi (kei te tārarotia ngā kupu tamō)
- Kātahi ka whakarōpū ngā ākonga i ā rātou ki te wānanga i ngā take e whai ake nei: me whakarite e Te Kaunihera o Tāmaki Makaurau he/ngā Takiwā Māori? He aha ai? He aha i kore ai?
- Ka tuhi ngā ākonga i ā rātou whakautu ki tētahi tūtohi taurite.



MĀORI WARDS

Ngā Rohenga Māori

- E whitu ngā tūru kua rāhuitia i te Pāremata mō ngā Mema Pāremata kua pōtitia e te hunga kei runga i te rārangi pōti Māori. Kua wehewehea te katoa o Aotearoa kia whitu ngā rohe pōti Māori.
- He mea whakauru mai anō tētahi huatau ōrite ki roto i ngā hanganga ture kāwanatanga ā-rohe i te tau 2002.
- Ka pōti te hunga kei runga i te rārangi pōti Māori mō ngā mema o ngā takiwā Māori.
- Kei ia kaunihera me tana hapori te tikanga mehemea e hiahia takiwā Māori ana rātou i tō rātou rohe
- Mehemea ka whakaaro te kaunihera ki te whakatū takiwā Māori ka āhei te hapori ki te petihana mō tētahi tāpaetanga pōti.
- I te nuinga o te wā mehemea kua whakaaetia e ngā kaunihera kia whakatū i ngā takiwā Māori, kua takahuritia te whakataunga a te kaunihera mā te tāpaetanga pōti(whakaaro tūmatanui).
- I mua o te whakatūtanga o Te Kaunihera o Tāmaki Makaurau i whakatautia e te Kōmihana a te Karauna mō te Mana Whakahaere o Tāmaki-makau-rau kia toru ngā tūru taketake mō ngā Māori.
- I tūtohutia e te Kōmihana kia kotahi te tūru mā tētahi wānanga mana whenua e tohu, kia rua mā te hunga kei runga i te rārangi pōti Māori e tohu.
- I te whiwhinga o te kāwanatanga i ngā tūtohutanga a te kōmihana, ka whakaaro rātou ko te huatau kua tau kē (arā, kei te kaunihera me ōna hapori te tikanga mehemea e hiahia takiwā Māori ana rātou) me pupuri tonu nā reira kāore i whakaturetia kia noho pūmau ngā tūru Māori.
- I mahue kē kia tāpirihia ki te ture a Te Kaunihera o Tāmaki Makaurau he herenga kia noho tētahi poari Māori motuhake hei whakatairanga i ngā kaupapa Māori whai tikanga, hei kōwhiri kia rua ngā mema ki ētahi komiti kaunihera ka tautuhia.

ACTIVITY THREE – MĀORI REPRESENTATION: MĀORI WARDS

Mahi Tuatoru – Māngai Māori: Ngā Rohenga Māori

Mā te whiwhi takiwā Māori ka āhei ngā kaipōti kei runga i te rārangi pōti Māori ki te pōti māngai Māori ki runga i te kaunihera.

Ka pānuitia e tō kaiako ngā tuhinga i raro iho nei. Āta whakarongo kia taea ai e koe te whakakī i ngā āputa.

- E whitu ngā tūru kua rāhuitia i te Pāremata mō ngā Mema Pāremata kua pōtitia e te hunga kei runga i te rārangi pōti Māori. Kua wehewehea te katoa o Aotearoa kia whitu ngā _____ Māori.
- He mea whakauru mai anō tētahi huatau ōrite ki roto i ngā _____ kāwanatanga ā-rohe i te tau 2002.
- Ka pōti te hunga kei runga i te rārangi pōti Māori mō ngā mema o ngā takiwā _____
- Kei ia kaunihera me tana _____ te tikanga mehemea e hiahia takiwā Māori ana rātou i tō rātou rohe.
- Mehemea ka whakaaro te kaunihera ki te whakatū _____ Māori ka āhei i te hapori te petihana mō tētahi tāpaetanga pōti.
- I te nuinga o te wā mehemea kua whakaaetia e ngā kaunihera kia whakatū i ngā takiwā Māori, kua _____ te whakataunga a te kaunihera mā te tāpaetanga pōti (whakaaro tūmatanui).
- I mua o te whakatūtanga o Te Kaunihera o Tāmaki Makaurau i whakatautia e te Kōmihana a te Karauna mō te Mana Whakahaere o Tāmaki-makau-rau kia _____ ngā tūru taketake mō ngā Māori
- I tūtohutia e te Kōmihana kia kotahi te tūru mā tētahi wānanga mana whenua e tohu, kia rua mā te hunga kei runga i te rārangi pōti Māori e _____.
- I te whiwhinga o te kāwanatanga i ngā tūtohutanga a te kōmihana, ka whakaaro rātou ko te huatau kua tau kē (arā, kei te kaunihera me ōna hapori te tikanga mehemea e hiahia takiwā Māori ana rātou) me pupuri tonu nā reira kāore i whakaturetia kia _____ ngā tūru Māori.
- I mahue kē kia tāpirihia ki te ture a Te Kaunihera o Tāmaki Makaurau he herenga kia noho tētahi poari Māori _____ hei whakatairanga i ngā kaupapa Māori whai tikanga, hei kōwhiri kia rua ngā mema ki ngā komiti kaunihera ka tautuhia.

Me whakatū rānei he takiwā Māori ki te Kaunihera o Tāmaki Makaurau

Me whakarōpū kātahi ka wānanga: me whai wāhi ngā takiwā Māori ki Te Kaunihera o Tāmaki Makaurau? He aha ai? He aha i kore ai?

Ā, he aha ngā tohe e whakakāhore ana, e whakaae ana rānei ki ngā takiwā Māori nei?

Kei wareware ki te whakaaro ake ki ngā tuhinga kua pānuitia e koe i ngā mahi o mua atu.

Whakamahia te tukutuku hei tuhi i ngā whakaaro mai i tō rōpū.

Whakahē?	He aha i kore ai?
Whakaae?	Whakahē?



ACTIVITY FOUR – MĀORI REPRESENTATION: INDEPENDENT MĀORI STATUTORY BOARD

Mahi Tuawhā – Māngai Māori: Poari ā-Ture Māori Motuhake

Tukanga:

- Āta whakaritea kia whiwhi ia ākonga ki tētahi kape o Te Puka Arataki Matakite”.
- I mua o te pānuitanga a ngā ākonga i ngā pārongo e pā ana ki te Poari Māori Ā-Ture, whakahautia rātou kia pānui takitahi i ngā tauākī, kātahi ka whakatatū mehemea e whakaae ana e whakahē ana rānei rātou ki aua tauākī.
- E pai ana kia pānui takitahi ngā ākonga i ngā pārongo, i raro rānei i te horopaki tohutohu, pānui ā-hoa hoki.
- Tukuna ngā ākonga kia panoni i ā rātou whakautu ki ngā tauākī i muri iho i tā rātou pānui (kaua i te wā e pānui ana).



Tauākī	Tika	Parau	Taunakitanga
He rangapū motuhake Te Poari Māori Ā-Ture (IMSB) ā, tekau mā rua ōna mema, e tū ana ki Pōneke.			
E tohutohu ana te poari i te kāwanatanga ā-motu i ngā āhukatanga katoa e pā ana ki te Māori.			
Ka karanga atu te Minita Whakawhanaketanga Māori ki te mana whenua kia whakatū i tētahi rangapū kōwhiri.			
Kāore he tūraru kāinga i Tāmaki Makaurau, ka mutu kei te pai te noho kāinga a Ngāi Māori.			
Nā te IMSB i whakamana te mahere rautaki tukanga kāinga ki te whakatika i tēnei rerekētanga.			
He mahere a Kāinga nā te Māori mō te Māori. Ko te taua mahere e whakatinana ana i ngā moemoeā me ngā tikanga o Te Tiriti o Waitangi.			

He tātaki pānui mā ngā ākongā

He rangapū motuhake Te Poari Māori Ā-Ture, e iwa ōna mema, e tū ana ki Tāmaki Makaurau. He tauwhiti ngā haepapa me te mana tauwhāiti o Te Poari i raro i te Local Government (Auckland Council) Act 2009 ki te whakatairanga i ngā kaupapa ahurea, ōhanga, taiao, whaihiranga ā-pāpori ki ngā Māori (arā, ngā mana whenua me ngā mātāwaka o Tāmaki Makaurau) ki Te Kaunihera o Tāmaki Makaurau.

E whakatūturu ana te Poari kia ū Te Kaunihera i raro i ngā tikanga o Te Tiriti, me te whakarato tūtohutanga me ngā tohutohu ki Te Kaunihera o Tāmaki Makaurau mō ngā kaupapa e hāngai ana ki te iwi Māori, me te āwhina tonu ki te whakapai ake i te aroā o te kaunihera ki ngā kaupapa Māori. Tokorua ngā mema o Te Poari e noho ana, e whaipōti ana i runga i ngā komiti kaunihera e tiaki ana i te mana whakahaere me te kaitiakitanga o ngā rawa taiao.

He kowhiringa he whakaritenga te huarahi whakatū mema mō Te Poari. Ka tonoa e Te Minita Whakawhanaketanga Māori te Mana Whenua ki te whakatū rangapū kōwhiringa. E hia ngā huihuinga a te rangapū nei ki te kōwhiri kia iwa ngā mema poari.


Tokowhitu o ngā mema nei e whakakanohi ana i ngā Mana Whenua, tokorua e whakakanohi ana i ngā Mātāwaka.

Ehara i te mea huna he tūraru kāinga tō Tāmaki Makaurau. Kāore te piki ake o ngā whiwhinga pūtea i ōrite ki te piki ake o ngā utu mō ngā whare, mō ngā reti whare rānei i te tāone nui mō te wā neke atu i te rua ngahuru tau. Kua piki te tauwaenga utu whare mai i te āhua huawhā o te tauwaenga whiwhinga pūtea i te tau 2002 ki te āhua huaiwa o taua kaute i ēnei rā.

Ahakoia kua pā ēnei ia ki ngā kōeketanga katoa o te porihanga, kei te kaha rawa atu te tāmia o Ngāi Māori. Taimau tonu te heke o te nui o ngā Māori nō rātou ō rātou ake whare i ngā tekau tau, ā kei te tino nui rawa ngā tatauranga o ngā Māori e kāingakore ana. Ko rātou kē kei te mura o te ahi o tēnei tūraru.

E nanaiore ana te mahere Kāinga Strategic Action Plan ki te whakatika i te rerekētanga nei. Kei te tuhinga whānui i whakamanatia e Te Poari Māori Ā-Ture Motuhake i te marama o Haratua i te tau 2018 tētahi rautaki hei whakamutu i te kāingakoretanga, hei whakapiki hoki i te tokomaha o te hunga Māori e whai wāhi ana ki te māketē whare i Tāmaki Makaurau. Ko te nuinga o te mahere e hāngai ana ki te kōpani i te whārua i waenga i ngā kāinga ā-pāpori me ngā kāinga iti te utu pērā i ērā o te hōtaka hou nei o KiwiBuild. E kōkiri ana hoki i te take kia nui ake te kūtoro atu a ngā hapū me ngā iwi ki ngā whakahaerenga o Tāmaki Makaurau me te whakawhanake i ngā kāinga puta noa i te rohe. Mō te taha o te kāwanatanga, e tūtohungia ana kia whakatūria tētahi minita takirua e arotahi ana ki te whakatū Kāinga mō Ngāi Māori.

Ko te mātāpono e ārahi ana i tēnei mahere ko te kupu nei: Kāinga. Ko te kupu nei e pā ana ki te huatau o te papakāinga Māori. Ko te aronga o tēnei horopaki e āhukahukatia ana te hiahiatanga kia riro mā te Māori anō hei whakapai ake ngā putanga mō te whakarato Kāinga ki a Ngāi Māori. He mahere a Kāinga nā te Māori mō te Māori. E āhukahukatia ana ngā moemoeā me ngā tikanga o Te Tiriti o Waitangi. He mahere whakarato whare, engari he mahaere kua oti te taketake ake i i ngā waiora tangata.



ACTIVITY FOUR – MĀORI REPRESENTATION: INDEPENDENT MĀORI STATUTORY BOARD

Mahi Tuawhā – Māngai Māori: Poari ā-Ture Māori Motuhake

Te Poari Māori Ā-Ture Motuhake

Pānuitia te “Puka Arataki Matakite” e whai ake nei. Tohua mehemea e whakapono ana koe kei te tika kei te hē rānei ia tauākī. Kātahi, ka whakamutu i te pānuitanga ka hoatu e tō kaiako. Tēnā pea ka pātaihia koe kia pānui takitahi kia pānui ā-rōpū rānei i te tuhinga.

Ka mutu te pānuitanga, whakatutukihia te puka arataki. Wānangahia ō whakaaro i waenga i te rōpū.

Puka Arataki Matakite

Ka mutu tō pānui, me hoki anō ki te hihira i o whakautu tika, hē rānei. Ki te tīni koe i ō whakaaro, tuhia ngā taunakitanga i kitea e koe.

Tauākī	Tika	Parau	Taunakitanga
He rangapū motuhake Te Poari Māori Ā-Ture (IMSB) ā, tekau mā rua ōna mema, e tū ana ki Pōneke.			
E tohutohu ana te poari i te kāwanatanga ā-motu i ngā āhuatanga katoa e pā ana ki te Māori.			
Ka karanga atu te Minita Whakawhanaketanga Māori ki te mana whenua kia whakatū i tētahi rangapū kōwhiri.			
Kāore he tūraru kāinga i Tāmaki Makaurau, ka mutu kei te pai te noho kāinga a Ngāi Māori.			
Nā te IMSB i whakamana te mahere rautaki tukanga kāinga ki te whakatika i tēnei rerekētanga.			
He mahere a Kāinga nā te Māori mō te Māori. Ko te taua mahere e whakatinana ana i ngā moemoeā me ngā tikanga o Te Tiriti o Waitangi.			

He tātaki pānui mā ngā ākongā

He rangapū motuhake Te Poari Māori Ā-Ture, e iwa ōna mema, e tū ana ki Tāmaki Makaurau. He tauwhiti ngā haepapa me te mana tauwhāiti o Te Poari i raro i te Local Government (Auckland Council) Act 2009 ki te whakatairanga i ngā kaupapa ahurea, ōhanga, taiao, whaihiranga ā-pāpori ki ngā Māori (arā, ngā mana whenua me ngā mātāwaka o Tāmaki Makaurau) ki Te Kaunihera o Tāmaki Makaurau.

E whakatūturu ana te Poari kia ū Te Kaunihera i raro i ngā tikanga o Te Tiriti, me te whakarato tūtohutanga me ngā tohutohu ki Te Kaunihera o Tāmaki Makaurau mō ngā kaupapa e hāngai ana ki te iwi Māori, me te āwhina tonu ki te whakapai ake i te aroā o te kaunihera ki ngā kaupapa Māori. Tokorua ngā mema o Te Poari e noho ana, e whaipōti ana i runga i ngā komiti kaunihera e tiaki ana i te mana whakahaere me te kaitiakitanga o ngā rawa taiao.

He kowhiringa he whakaritenga te huarahi whakatū mema mō Te Poari. Ka tonoa e Te Minita Whakawhanaketanga Māori te Mana Whenua ki te whakatū rangapū kōwhiringa. E hia ngā huihuinga a te rangapū nei ki te kōwhiri kia iwa ngā mema poari.


Tokowhitu o ngā mema nei e whakakanohi ana i ngā Mana Whenua, tokorua e whakakanohi ana i ngā Mātāwaka.

Ehara i te mea huna he tūraru kāinga tō Tāmaki Makaurau. Kāore te piki ake o ngā whiwhinga pūtea i ōrite ki te piki ake o ngā utu mō ngā whare, mō ngā reti whare rānei i te tāone nui mō te wā neke atu i te rua ngahuru tau. Kua piki te tauwaenga utu whare mai i te āhua huawhā o te tauwaenga whiwhinga pūtea i te tau 2002 ki te āhua huaiwa o taua kaute i ēnei rā.

Ahako kua pā ēnei ia ki ngā kōeketanga katoa o te porihanga, kei te kaha rawa atu te tāmia o Ngāi Māori. Taimau tonu te heke o te nui o ngā Māori nō rātou ō rātou ake whare i ngā tekau tau, ā kei te tino nui rawa ngā tatauranga o ngā Māori e kāingakore ana. Ko rātou kē kei te mura o te ahi o tēnei tūraru.

E nanaio ana te mahere Kāinga Strategic Action Plan ki te whakatika i te rerekētanga nei. Kei te tuinga whānui i whakamanatia e Te Poari Māori Ā-Ture Motuhake i te marama o Haratua i te tau 2018 tētahi rautaki hei whakamutu i te kāingakoretanga, hei whakapiki hoki i te tokomaha o te hunga Māori e whai wāhi ana ki te māketē whare i Tāmaki Makaurau. Ko te nuinga o te mahere e hāngai ana ki te kōpani i te whārua i waenga i ngā kāinga ā-pāpori me ngā kāinga iti te utu pērā i ērā o te hōtaka hou nei o KiwiBuild. E kōkiri ana hoki i te take kia nui ake te kūtoro atu a ngā hapū me ngā iwi ki ngā whakahaerenga o Tāmaki Makaurau me te whakawhanake i ngā kāinga puta noa i te rohe. Mō te taha o te kāwanatanga, e tūtohungia ana kia whakatūria tētahi minita takirua e arotahi ana ki te whakatū Kāinga mō Ngāi Māori.

Ko te mātāpono e ārahi ana i tēnei mahere ko te kupu nei: Kāinga. Ko te kupu nei e pā ana ki te huatau o te papakāinga Māori. Ko te aronga o tēnei horopaki e āhukahukatia ana te hiahiatanga kia riro mā te Māori anō hei whakapai ake ngā putanga mō te whakarato Kāinga ki a Ngāi Māori. He mahere a Kāinga nā te Māori mō te Māori. E āhukahukatia ana ngā moemoeā me ngā tikanga o Te Tiriti o Waitangi. He mahere whakarato whare, engari he mahaere kua oti te taketake ake i i ngā waiora tangata.



ACTIVITY FIVE – CO-GOVERNANCE: TŪPUNA MAUNGA AUTHORITY

Mahi Tuarima – Whakahaere takinga-ā-rua: Mana Tūpuna Maunga

TEACHER
LESSON TWO

ACTIVITY FIVE

Curriculum	Achievement Objectives
Social Studies	<p>Level 4</p> <ul style="list-style-type: none"> • Understand how people pass on and sustain culture and heritage for different reasons and that this has consequences for people. • Understand how formal and informal groups make decisions that impact on communities. <p>Level 5</p> <ul style="list-style-type: none"> • Understand how the Treaty of Waitangi is responded to differently by people in different times and places. • Understand how cultural interaction impacts on cultures and societies.
The Literacy Learning Progressions	<p>Reading Year 10</p> <p>When students at this level read, respond to, and think critically about texts, they:</p> <ul style="list-style-type: none"> • have control of a repertoire of comprehension strategies that they use deliberately and flexibly, depending on their purpose for reading. • monitor their understanding as it develops during their reading, and adjust their strategies to address any comprehension problems. • use strategies to analyse ideas and information and to reflect critically on the meaning they are gaining from their reading.



Me takiuru atu koe ki te ipurangi mō tēnei mahi.



Tukanga:


- Whakahautia ngā ākonga kia pānui i te hono i raro iho nei:
[Te Tiaki I Ō Tātou Maunga](#)
- Ka taea tēnei pānuitanga ki te whakatutuki takitahi, i raro rānei i te horopaki tohutohu, pānui ā-hoa hoki.
- Ina tutuki, whakarōpūtia ngā ākonga kia tokowhā ki te tokoono kei ia rōpū. Tohua kia kotahi te ākonga hei taki i te kīanga “Kōrerotia” i ia rōpū.
- Hoatu ngā taunga tukutuku ki taua ākonga, hei tauira: B2. Ka riro mā te ākonga e mahi te whakatūnga poto e whakaahuatia ana i B2
- Ina tutuki, ka kōwhiringia e te ākonga ngā taunga hou mai i te tukutuku me tētahi atu ākonga hei whakatau i te wheako whakaari.
- Haere tonu kia mahia katoa e ngā ākonga, ā pau noa ngā wheako whakaari.
- Ki te hiahia pārongo anō koe e pā ana ki te Tūpuna Maunga o Tāmaki Makaurau Authority, tirohia tā mātou paetukutuku [i konei](#).



	1	2	3
A	Tēnā me pohewa koe e hari ana koe i ētahi o ō hoa kia kite i Tāmaki Makaurau. Whakamōhio mai mātou mō ngā tūpuna maunga e toru, ā, he aha te take i haria rātou e koe ki reira.	Tēnā, me pohewa koe he mema hou koe kua tohua ki te Tūpuna Maunga Authority. Kōrero mai ki a mātou i tētahi āhuatanga ka hiahia koe ki te tiaki i ngā maunga o Tāmaki Makaurau.	Tēnā, me pohewa koe he toihau koe nō tētahi kamupene tāpoi o Tāmaki Makaurau Kōrero mai ki a mātou mō tētahi auhatanga kua mahia e koe ki tō pakihia kia mārāma pai ai, kia whakaute ai rānei, ngā tūruhi ki ngā maunga.
B	Tēnā, me pohewa koe kei te uiuitia koe i runga i te Pouaka Whakaata mō Tāmaki Makaurau. Kōrero mai ki a mātou mō tētahi raruraru i pā ki tētahi tūpuna maunga, i pēhea hoki taua raruraru i whakatikangia, i whakatauria rānei.	Tēnā, me pohewa koe he mema koe nō ngā hapū/iwi o Mana Whenua o Tāmaki makaurau. Whakamōhio mai mātou kia rua ngā āhuatanga i whaitōrunga i tō maunga nā te mana whakahere kāwanatanga ā-rua.	Tēnā, me pohewa koe he kaikaunihera koe nō tētahi atu kaunihera o Aotearoa. Whakamōhio mai ki a mātou kia toru ngā āhuatanga ka taea e e tō kaunihera te whakamahi e pā ana ki te mana whakahaere kāwanatanga takirua.
C	Tēnā, me pohewa koe kei te kōrero ki te koromatua hou. Whakamōhio mai ki a mātou kia toru ngā āhuatanga ka tūtohungia e koe ki a ia ki te whakawhanake anō i te mana whakahaere kāwanatanga takirua.	Tēnā, me pohewa koe he kainoho koe nō Tāmaki Makaurau. Whakamōhio mai ki a mātou kia rua ngā hua papai o te mana whakahaere kāwanatanga takirua ki tō maunga.	Tēnā, me pohewa koe kātahi tonu koe ka hoki mai i tō haere ki te titiro i ngā wāhi tapu whakahirahira o Ūropi. Whakamōhio mai ki a mātou i tētahi ōritetanga i waenga i Tāmaki Makaurau me Ūropi ina torotoroa koe ki tētahi wāhi tapu.

Papa Kupu

- **Hapū:** he huihuinga whānau Māori he iti ake te tokomaha i ō te iwi nō tētahi tātai whakapapa kotahi, e whai pānga ana ki te whenua kotahi.
- **iwi:** he Huihuinga hapū te iwi nō ētahi tātai whakapapa tauwhāiti e whai pānga ana ki te whenua kotahi.
- **Kāinga:** e whakaahua ana i ngā wāhi e noho ana ngā tāngata, arā, i ngā kāinga
- **Mana whenua:** Ko ēnei ngā hapū me ngā iwi e whaitake whenua ana ki ētahi whaitua kei Tāmaki Makaurau, e mau tonu ana hoki ki te mana i runga i aua wāhi.
- **Mātāwaka:** Ko ngā Māori e noho ana ki Tāmaki Makaurau ehara nō te mana whenua.
- **Maunga:** Ko te maunga he kōhatu tipua, he matatihi, e waitohu ana hoki ki ngā puia koeko.
- **Koromatua:** Kei te whakawhanake te koromatua i ngā whāinga a Te Kaunihera o Tāmaki Makaurau, me te ārahi i te Rōpū Whakahaere, me te whakatūturu kia tika te mahitahi a Te Kaunihera me ngā kainoho o Tāmaki Makaurau.
- **Mema Pāremata (MP):** he tangata kua pōtitia ki te Whare Pāremata, he mea pōti, he mea whakatū rānei mai i tētahi rārangi.
- **Pāremata:** e rua ōna wāhanga, ko te Kuini me te Whare Pāremata. Ko te Kāwana Tianara kei te whakakanohi i te Kuini. Ko te Whare Pāremata kei te hanga ture mō Aotearoa.
- **Wawaetanga:** Kua wehea kia 21 ngā poari ā-rohe o Tāmaki Makaurau. Kua wehea ētahi poari ā-rohe hei wawaetanga mō te pōti i ngā mema poari.
- **Tupuna:** arā he whātua, he kaumātua
- **Te Rōpū Whakamana i te Tiriti o Waitangi:** he rangapū e mātai ana, e tuku pūrongo ana mō ngā kerēme o nehe e pā ana ki Te Tiriti o Waitangi. Ka whakarato tūtohunga ki ngā kōti me te kāwanatanga tētahi o ā rātou mahi.
- **Takiwā:** He mea wehe kia 13 ngā pae o Tāmaki Makaurau hei pōti i ngā kaikaunihera 20.



ACTIVITY FIVE – CO-GOVERNANCE: TŪPUNA MAUNGA AUTHORITY

Mahi Tuarima – Whakahaere takinga-ā-rua: Mana Tūpuna Maunga

I roto i tēnei mahi ka tirohia e koe he tauira e pā ana ki te mana whakahaere kāwanatanga takirua e mahi ana. Ka whakahautia koe e tō kaiako ki te pānui i te pito kōrero e whai ake nei: [Te tiaki i ō tātou Maunga](#).

Ka taea tēnei pānuitanga ki te mahi takitahi, i raro rānei i te horopaki tohutohu, pānui ā-hoa.

Ka mutu te pānuitanga kua wehea koutou ki ngā rōpū e whā e ono rānei. Tohua he ākongā hei tīmata i te kīanga "Whakahuatia"i waenga i te rōpū.

Mā tō koutou kaiako hei hoatu te taunga tukutuku tuatahi ki tō rōpū. Ā muri iho i tērā, kua riro mā koutou anō hei kōwhiri ā koutou anō.

Āta whakarongo ki ngā tohutohu a tō koutou kaiako, kātahi ka mahi pārekareka ki te whakaari i ngā kāpeka.

	1	2	3
A	Tēnā me pohewa koe e hari ana koe i ētahi o ō hoa kia kite i Tāmaki Makaurau. Whakamōhio mai mātou mō ngā tūpuna maunga e toru, ā, he aha te take i haria rātou e koe ki reira.	Tēnā, me pohewa koe he mema hou koe kua tohua ki te Tūpuna Maunga Authority. Kōrero mai ki a mātou i tētahi āhuatanga ka hiahia koe ki te tiaki i ngā maunga o Tāmaki Makaurau.	Tēnā, me pohewa koe he toiha koe nō tētahi kamupene tāpoi o Tāmaki Makaurau. Kōrero mai ki a mātou mō tētahi auahatanga kua mahia e koe ki tō pakihia kia mārāma pai ai, kia whakaute ai rānei, ngā tūruhi ki ngā maunga.
B	Tēnā, me pohewa koe kei te uiuitia koe i runga i te Pouaka Whakaata mō Tāmaki Makaurau. Kōrero mai ki a mātou mō tētahi raruraru i pā ki tētahi tūpuna maunga, i pēhea hoki taua raruraru i whakatikāngia, i whakatauria rānei.	Tēnā, me pohewa koe he mema koe nō ngā hapū/iwi o Mana Whenua o Tāmaki makaurau. Whakamōhio mai mātou kia rua ngā āhuatanga i whaitōrunga i tō maunga nā te mana whakahere kāwanatanga ā-rua.	Tēnā, me pohewa koe he kaikaunihera koe nō tētahi atu kaunihera o Aotearoa. Whakamōhio mai ki a mātou kia toru ngā āhuatanga ka taea e tō kaunihera te whakamahi e pā ana ki te mana whakahaere kāwanatanga takirua.
C	Tēnā, me pohewa koe kei te kōrero ki te koromatua hou. Whakamōhio mai ki a mātou kia toru ngā āhuatanga ka tūtohungia e koe ki a ia ki te whakawhanake anō i te mana whakahaere kāwanatanga takirua.	Tēnā, me pohewa koe he kainoho koe nō Tāmaki Makaurau. Whakamōhio mai ki a mātou kia rua ngā hua papai o te mana whakahaere kāwanatanga takirua ki tō maunga.	Tēnā, me pohewa koe kātahi tonu koe ka hoki mai i tō haere ki te titiro i ngā wāhi tapu whakahirahira o Ūropi. Whakamōhio mai ki a mātou i tētahi ōritetanga i waenga i Tāmaki Makaurau me Ūropi ina torotoroa koe ki tētahi wāhi tapu.

Mō te roanga atu o ngā kōrero: whakapā atu ki voteauckland.co.nz īmēra atu rānei ki elections@aucklandcouncil.govt.nz